

På lag med  
**framtida.**  
Alver Venstre



**Alver Venstre program 2020-2023**

[venstre.no/alver](https://venstre.no/alver)

# 1. Fellesskap, openheit, etikk og lokaldemokrati

Alver Venstre ønskjer å vera eit parti som har fokus på god og berekraftig naturforvaltning, der miljø og folkehelse får stor fokus og høg prioritet. Partiet vil arbeide for fleksible løysingar i forvaltninga og drifta av kommunen, og arbeide for at kvart menneske får stor fridom til å utvikla seg og bestemme sjølv sitt liv og virke, utan for mange avgrensingar og byråkratiske sperrer.

Vidare vil me arbeide for at forvaltninga vert så opne som mogeleg, og at fellesskapet sine løysingar skal gå framføre private interesser, der desse står i strid med kvarandre. Private interesser skal ha legitim rett til å påverka politikken, men skal ikkje kunna jobba i det skjulte. Innbyggjarane skal vite at Venstre vil ha openheit og eit levande demokrati, der gode vedtak skal byggjast på gode og grundige prosessar og opne debattar i dei politiske utvala og i kommunestyret. Venstre vil kjempa for det beste i lokaldemokratiet og det kommunale folkestyret.

## Alver Venstre vil:

- vera ærlege og opne om politiske mål, og sikre at lojaliteten skal ligga til innbyggjarane og fellesskapet sitt beste.
- informera om viktige saker gjennom tilgjengelege kanalar.
- jobba for openheit, og for at kommunen kommuniserer viktige saker til innbyggjarane, og har gode rutinar for informasjonsflyt.
- vera ein positiv og open samarbeidspart med andre politiske parti.
- passe på at ingen skal kunne bruke sin politiske makt til å gje fordeler til sine venner og kjente i strid med fellesskapet sine interesser og verdiar.
- vera positiv til å heise regnbogeflagg utanfor rådhuset på aktuelle dagar.
- sikre dei tilsette sine interesser, og arbeide for at kommunen har eit godt og nært samarbeid med både arbeidstakarane sine organisasjonar og med brukarane av offentlege tenester.




## 2. Klima og miljø

Jordkloden vår er under eit enormt press frå utslepp av klimagassar og andre forureiningskjelder som trugar livet både til land og til havs. Vi må unngå at dei unge, som skal arve kloden etter oss, får store humanitære og økologiske katastrofar i fanget fordi vi ikkje har gjort det vi kan for ei berekraftig utvikling. er det viktig at kommunen går føre med handlingar, og medverkar til at innbyggjarane våre kan gjere gode val for klimaet og alle dei som lever i naturen.

### Alver Venstre vil ta vare på naturen ved å:

- arbeide mot vindmølleparkar i fjell- og kystområda i Nordhordland.
- bevare mest mogleg urørt natur for framtidige generasjonar i Nordhordland.
- ta vare på det biologiske mangfaldet og jobbe for varig vern av sårbare arter, verdifull natur og ta vare på inngrepsfrie naturområde i Nordhordland.
- forvalte område som er viktige for insekt, og gje innspel til innbyggjarane om kva dei kan gjere for å ta vare på insekta som har stor innverknad på matvareproduksjonen og dyre- og plantelivet.
- arbeide for eit betre klima og eit betre miljø i Alver kommune.
- ta vare på skjergardsnaturen mellom Herdla og Eikeland og heile Eldsfjellet.
- ta vare på grønstrukturen i og rundt Lonena i Knarvik til beste for folkehelsa og brukarane av dette friluftsområdet.
- arbeide for vern av sentrale fjellområde.
- ta vare på 1000-årsstaden på Radøy, Nøttveitveten/ Morkefjellet.
- ta vare på Bjørndalskogen, Gripakletten og Rylandsvassdraget på Holsnøy.
- ta vare på det intakte og vegause naturområdet mellom Storavatnet og Radfjorden.
- ta vare på lynglandskapet og ha høg fokus på lynglandskapsområda Lygra, Uttoska og Syltanaset



## Alver Venstre vil arbeide for mindre forureining på følgjande måtar:

- gje tilskot til oppsamling av plast frå landbruket.



- arbeide for at det vert fiskeoppdrett i lukka anlegg.
- støtte opp under plastydding og etablere gratis deponering/innhenting av oppsamla plast og andre typar avfall.
- auke kunnskapen om sunt og miljøvenleg kosthald i grunnskulen.
- auka fokus på miljøvenleg forbruk og berekraftige vanar i grunnskulen.
- stimulere til drift av nærbutikkar for å sike gode møteplassar i nærmiljøa og for å minske biltrafikken.
- arbeide for at størst mogeleg del av den kommunale bilparken vert elektrisk.
- arbeide for fleire ladestasjonar i Alver.

## Alver Venstre har ei målsetting om at energiforbruket må reduserast i framtida, og at ny energi må kome frå solceller og andre fornybare energikjelder.

- få Alver kommune over på meir energisparande og fornybare løysingar.
- alle offentlege bygg må verta klimanøytrale.
- arbeide for at det vert lagt til rette for meir sykkelbruk/ el. sykkel i kommunen.
- fremje bygging i klimavenlege materiale, som til dømes tre og naturvenlege materiale i nye bygg.
- stille strenge miljøkrav i samband med offentlege innkjøp og større byggjeprojekt.
- ha krav om solcellepanel og andre miljøvenlege løysingar for nye fritidsbustader.

### 3. Gode og trygge oppveksttilhøve

Alver Venstre vil prioritere barn og unge øverst. Dette inneberer ei satsing på trygge og gode nærmiljø, barnehagar og skular, samt eit mangfald av spennande fritidstilbod. Det er viktig at Alver kommune prioriterer det pedagogiske utviklingsarbeidet, slik at skulane vert endå betre. I dette arbeidet er det viktig å sikre ein god balanse mellom noko som er felles for alle skulane, samstundes som den einskilde skule får fridom til å prioritere eigne utviklingsområde.

#### Alver Venstre vil:

- Få bygd Osterhallen
- Ha ny ungdomskule i Frekhaug
- vidareutvikle kvaliteten i dei kommunale barnehagane, og ha godt samarbeid med dei private barnehagane for å sikre det same.
- ha to barnehageopptak i året.
- sikre god og trygg overgang mellom barnehage og skule.
- iverksetjing fagfornynginga med dei nye læreplanane med fokus på meir djupnelæring og dugleikane til det 21. århundre (mellom anna kreativitet, kritisk tenking, problemløysing, kommunikasjon, samarbeid og teknologi).
- sikre at alle elevar som slit med lesing, skrivning eller rekning får intensivopplæring av kvalifiserte personale.
- ha forsøksprosjekt med ein time med fysisk aktivitet kvar dag i skulen.
- få utarbeidd ein skulebruksplan som skal vurdere behov for investeringar.
- styrkje skulehelsetenesta både fag- og ressurs messig.
- ha nulltoleranse mot mobbing, utarbeide lokal handlingsplan mot mobbing og ha klåre prosedyrar for handtering av mobbesaker.
- satse på kompetanseutvikling for lærarar, skuleleiarar og assistentar.
- arbeide for gode ungdomsmiljø ved å ha fleire kommunale ungdomsklubbar drive av ungdomane sjølve i samarbeid med ungdomskoordinatorar.
- ha tett samarbeid mellom ulike aktørar for å sikre eit godt haldningsskapande arbeid mot rusmisbruk, og elles for å fremje ei sunn folkehelse.
- Styrke seksualundervisninga og det som går på integritet knytt til seg sjølv og andre.
- Arbeide for å få til fleire valfag i ungdomskulen
- Arbeide for ny skule i Eikanger



## 4. Venstre vil utvikle heile Alver kommune

Venstre meiner det er vesentleg at kommunen tar eit større ansvar for å medverke til at folk kan busette seg i heile kommunen. Då vil Alver kunne sjå ei oppblomstring i våre levande bygder, framfor stagnasjon og tilbakegang om vi ikkje gjer noko.

### Alver Venstre vil

- at kommunen si handtering av utbygging er føreseieleg, serviceinnstilt og effektiv.
- ikkje ha eigedomsskatt for husvære.
- medverke til sosial bustadbygging, senior- og ungdomsbustader
- Arbeide for at kommunen kan ta i mot fleire flyktningar og at desse vert godt integrert i samfunnet.



### Knarvik som kommune og regionsenter:

Knarvik er både kommunesenteret for Alver og regionsenteret for Nordhordland. Venstre meiner at denne staden skal utvikla seg til å verta byen i Nordhordland.

### Alver Venstre vil:

- utvikle Knarvik vidare som regionsenter for heile Nordhordland.
- at det skal vere naturleg å lokalisere statleg aktivitet til Knarvik, og kjempe for at politiet sitt tenestetilbod og nærvær i Nordhordland vert styrka.
- setje av areal til framtidig kulturhus, skøytebane og symjehall og andre viktige offentlege tenestetilbod.
- arbeide for å styrke Knarvik vidaregåande skule.
- ha spennande arkitektoniske løysingar for å styrka Knarvik som senter.
- etablere gode møteplassar og sentrumsnære bu- og kulturtilbod.
- at kommunen deltek i spleiselag om viktig infrastrukturbygging.
- arbeide for at det kjem kulturhus med kino, bibliotek og konsertlokale sentralt i Knarvik.
- etablere eit parkvesen for heile kommunen.
- ha konsentrert utbygging i tettstaden.

## Frekhaug, Lindås, Manger, Hordabø, Ostereidet og Vikebø som lokalsenter:

Både Frekhaug og Manger har vore kommunesenter i lengre tid. Alver Venstre vil difor prioritere utvikling av desse tettstadane. Saman med dei andre lokalsentra Lindås, Hordabø, Ostereidet og Vikebø vil Venstre ha ein politikk som sikrar eit desentralisert tenestetilbod i alle desse tettstadane.

### Venstre vil arbeida for lokalsentra ved å arbeide for at:

- Det vert nye bustadfelt i lokalsentra
- Det vert etablert ungdoms- og seniorbustader i alle tettstadane
- Alle senterane får på plass nye reguleringsplanar som sikrar areal til utviding av både offentlege tenestetilbod, næringsutvikling og til bustadforemål.
- Kommunen prioriterer utbygging av viktig infrastruktur som veg, vatn og avlaup m.v.
- Alle lokalsentra fortsett får viktige oppvekstarenaer med minst same gode tilbod som i dag for barn og unge.



## 5. Omsorg når du treng det.

Folk vil på eitt eller anna stadium i livet ha bruk for omsorg. Det vesentlege er at samfunnet kan stilla opp når ein har bruk for meir enn det familien og vener kan gjera. Vi er opptekne av at basistilboda som lege og anna helsefagleg kompetanse skal folk få nærast mogleg. For at alle skal kunne ta del i samfunnsbygginga, og syta for seg og sine, er det vesentleg at kommunen og det frivillige lagsarbeidet lukkast i arbeidet med å integrera tilflyttarar og menneske som vert innvilga asyl.

### Alver Venstre vil:

- oppretthalde og vidareutvikla sjukeheimstilboda i Manger, Frekhaug, Lindås og i Knarvik
- styrke den allmenne helsetenesta gjennom Helsehuset i Knarvik
- at det skal vere legesentertilbod i dei lokale sentra i Manger, Frekhaug, Lindås og Ostereidet.
- utvikle og styrke dei spesialiserte helsetenestene gjennom Helsehuset i Knarvik
- at vi skal ha eit godt sjukeheimstilbod.
- ha eit trygt og godt utbygt heimebasert omsorgstilbod.
- ha dagtilbod for eldre i dei lokale sentra i Manger, Frekhaug, Knarvik, Lindås og Ostereidet.
- vurdere eit meir spesialtilpassa sjukeheimstilbod med fokus på brukarane sine behov.
- styrke tilbodet til demente.
- auke satsinga på helse – og trivselsfremjande tiltak for sjukeheimsbrukarar og andre grupper med behov for slike tenester.
- ta i bruk omsorgsteknologi slik at eldre kan bu heima lenger, og at kvardagen for dei tilsette vert enklare.
- etablera ei vaktmeisterteneste for eldre.
- ha eit dag- og fritidstilbod til menneske med varige funksjonshemmingar.
- leggje barnet sitt beste til grunn for arbeidet i barnevernet.
- bidra til auka og spissa barnevernfagleg kompetanse og etterutdanning, med rettleiing.
- ha ei god rådgjevingsteneste for dei som kjem i ein vanskeleg livssituasjon.
- styrke støttekontakt og avlastningsordninga.
- Etablere eit dagsentertilbod innan rus og psykiatri, gjerne saman med frivillige lag og organisasjonar.
- ha ei solid tverrfagleg rusomsorgsteneste i kommunen.
- etablere ei eigen psykisk helseteneste for barn og unge.





## 6. Framtidsretta arealpolitikk for heile kommunen

Alver Venstre vil arbeida for gode arealplanar basert på kunnskap, der både kulturlandskap, miljø og viktige natur- og friluftsvardiar vert forvalta på ein god og langsiktig måte. Samstundes vil ein arbeida for at det vert etablert mindre LNF-område for spreidde bustadutbygging i alle grender, og at einskildsøknader, også dispensasjonar, vert handsama med ein positiv grunnhaldning. Det er eit mål at alle skulekrinsar og grender skal ha utvikling med tanke på nye bustadar og styrka folketal.

Det er viktig for Venstre å oppretthalde levande og aktive grender i heile den nye kommunen Alver. Venstre vil kjempe for å stoppe vindkraftplanane i Nordhordland.



## 7. Eit mangfaldig idretts- og kulturliv

Kultur, idrett og friluftsliv har ein stor eigenverdi i seg sjølv knytt til opplevingar, trivsel og folkehelse. Det er eit mål å ha gode lågterskeltilbod innanfor kulturlivet.

Alver Venstre er oppteken av å leggje til rette for mangfald. Innan idrett- og friluftsliv betyr det å leggje til rette både for den organiserte idretten og fysisk aktivitet hjå flest mogleg innbyggjarar. For kulturlivet betyr det både å ta med seg kulturarven og å sjå det moderne og nyskapande.

### Alver Venstre vil:

- at Alver kommune skal vere ein aktiv støttespelar for idrettslaga med tanke på vidareutvikling og nybygging av idrettsanlegg.
- at idrettsanlegga har opningstider som sikrar at dei er tilgjengelege for alle også når det ikkje er organisert aktivitet.
- arbeide for etablering av nye nærmiljøanlegg/ballbingar, spesielt på mindre plassar kor det ikkje er eit eksisterande tilbod.
- få på plass eit kulturfond for å støtte investeringar og vedlikehald av ungdomshus og forsamlingslokale
- satsa på gode turstiar og turvegar.
- arbeide for vidareutvikling av friluftsområde og badeplassar i Alver i samarbeid med Bergen og omland friluftsråd.
- sikre eit godt samarbeid med frivillige lag og organisasjonar.
- ha betre formidling av kulturminner, mellom anna med informasjonstavler, og ha tilskot til istandsetting/restaurering av kulturminner.
- vidareutvikle formidling av kulturhistoria, og satse på kulturhistoria på Seim knytt til Håkonshaugen og kongsgarden.
- vidareføre satsing på Alver som korps- og musikk-kommune og arbeide for å vidareutvikla Manger folkehøgskule.
- arbeide for vidare utvikling av Utvandrsenteret på Sletta og Lyngheisenteret.
- auke løyvingane til kulturføremål og utvikle lågterskeltilbod
- vidareutvikle bibliotekenesta og bokbussen.
- utvikle gode kulturelle møteplassar som styrkar integreringa.



## 8. Kommunikasjon og samferdsel

Alver Venstre meiner det er svært viktig å satse på miljøvenlege kommunikasjonar, og vil kjempe for gode bussrutetilbod i heile Alver kommune og vidareutvikling av båttruta mellom Knarvik- Frekhaug-Bergen. Betre bussrutetilbod er viktig for båttilbodet.

### Alver Venstre vil utvikle vegnettet med følgjande hovudmål:

- Arbeide for rask bygging av ny firefelts E39 gjennom Åsane frå Vågsbotn til Nordhordlandsbrua.
- Kjempe for auka innfartsparkering i Knarvik/ Flatøy og langs viktige transportkorridorar.
- Arbeide for å realisere alle prosjekt i den vedtekte Nordhordlandspakka.
- Prioritere utbetring av eksisterande vegnett med vekt på trafikktryggleik og fjerning av flaskehalsar, samt få til breiddeutviding på smale vegstrekningar.
- Arbeide for at det vert fortau eller gang-/ sykkelveg rundt alle skulane, der mange barn og unge ferdast.
- Arbeide for at Romarheimstunnelen (E39) mellom Eikefet og Romarheimsdalen vert bygd.
- Få bygd ny bru over Alverstraumen snarast mogeleg.
- At Sambandet Vest med bru frå Radøy til Meland og vidare over til Askøy vert stoppa av omsyn til miljø og høge kostnader, og for å hindre øydelegging av verdifull kystnatur.



## 9. Næringsliv

Alver Venstre meiner at den nye kommunen skal vere aktiv med å leggje til rette for utvikling og omstilling av næringslivet gjennom ulike planar, økonomiske stimuli og medverknad i høve stortinget, fylkestinget, og andre offentlege og private avgjerdstakningar. Det er naudsynt og viktig at kommunen prioriterer berekraftig næringsutvikling og satsar på gründerar.

### Alver Venstre vil:

- styrke tiltaksarbeidet med særleg fokus på omstilling til det grøne skiftet, knoppskyting frå etablerte verksemdar og etablering av småbedrifter i heile kommunen.
- utvikle samarbeidet mellom t.d. Nordhordland næringslag, Industriutvikling Vest og offentlege og private organisasjonar.
- utvikle næringsareal i alle ungdomsskulekrinsane.
- at kommunen skal ta eit større ansvar for etablering av infrastruktur i næringsområde, t.d. gjennom etablering av eit kommunalt føretak.
- støtte opp om utvikling av næringsverksemdene på Mongstad.
- arbeide for innføring av kommunal arealavgift på oppdrettsanlegg i sjø.
- arbeide for at gründerbedrifter kan få rimelege lokalar og god rådgjeving
- støtte opp under kulturbasert reiseliv
- kjempe for at landbruket får vilkår som bidreg til berekraftig verdiskaping, landskapspleie og ivaretaking av kulturtradisjon



## 10. God arbeidsgjevarpolitikk

Alver Venstre vil at Alver kommune skal ha ein god arbeidsgjevarpolitikk, med langsiktige og gode arbeidsvilkår for dei tilsette. Det er eit mål å gje dei tilsette trygge rammevilkår, og at kommunen på den måte skal ha ein god plattform for å kunna rekruttere og behalda gode arbeidstakarar.

### Alver Venstre vil:

- at Alver kommune skal vere ein attraktiv arbeidsplass for dei som arbeider der.
- gå i mot forsøk på konkurranseutsetjing, utskiljing og privatisering av offentlege tenester.
- arbeide for retten til heiltidsstillinga, og sikre og styrke samarbeidet med partane i all omstilling- og kvalitetsutviklingsarbeid.
- vere aktiv i likestillings- og integreringsarbeid og i arbeidet mot sosial dumping.
- at det skal vere minst ein lærling per 500 innbyggjarar i kommunen.



# Venstre sine kandidatar i Alver



## 1.Sveinung Toft

51 år frå Ostereide . Eg har dei siste 4 åra vore medlem i formannskapet i Lindås kommune, og stiller no som ordførarkandidat i Alver. Det er viktig for meg å ta heile den nye storkommunen i bruk. Eg har god lokalkunnskap om den nye kommunen, og har tidlegare jobba både i Radøy, i Meland og i Lindås kommune. Veljarane skal vite at med meg i kommunestyret vil viktige saker verta drøfta og innbyggjarane sine interesserer ivareteke på ein god måte. Dei flotte skulekrinsane og bygdene me har i Alver må utviklast vidare som gode bu- og møteplassar for innbyggjarane våre.



## 2.Agnes Hoshovde Bernes.

24 år frå Vetås på Radøy, studerer ved UiB, gruppeleiar for Radøy Venstre, sentralstyremedlem i Unge Venstre og tidlegare leiar av Hordaland Unge Venstre. Stiller også til fylkestings valet som ungdomskandidat for Vestland Venstre. Skule, trygg oppvekst, miljø og fridom er mellomanna saker som opptek meg.



## 3.Marius Hellan Hindenes

18 år frå Åsgard, TAF- lærling. Eg er ung, men eg har likevel dei siste 4 åra jobba for at unge skal bli høyrd og tatt på alvor i samfunnet. Eg har vore 3 år i ungdomsrådet i Lindås, 2 år i ungdommens fylkesutval eit av dei åra som leiar. Eg brenn for eit samfunn der ein tar vare på kvarandre, kor ein tar vare på naturen. Barn og unge er framtida, derfor må dei få meir å seie i korleis ein bygger samfunnet. Vi må ta vare på viktige natur- og fjellområde, vi må også ta vare på kulturelle mangfalde i vår nye kommune og ta heile kommunen i bruk. For i framtida skal det vere moglege å leve og bu over heile kommunen. Skal ein få dette til er det viktig å ha unge stemmer i politikken ikkje berre på sidelinja, men også i sentrum.

4	Bård Mangerøy	Manger
5	Solveig Kvamme	Hjelmås
6	Rolf Nesheim	Seim
7	Sigstein Århus	Manger
8	Thomas Ottesen	Alversund
9	Trond Roger Lervåg	Rosslund
10	Bjarne Ve Sæbø	Isdalstø
11	Charles S. Lilleskare	Seim
12	Helge Fjellanger	Lindås
13	Harald Jordal	Manger
14	Solveg Johnsen	Lindås
15	Lars Barstad	Frekhaug
16	Arne Villanger	Bøvågen

